

Deklarasi Kaherah

Pertubuhan Kerjasama Islam mengenai Hak Asasi Manusia

Pengenalan

Deklarasi Kaherah Pertubuhan Kerjasama Islam mengenai Hak Asasi Manusia (CDOHR) ialah suatu dokumen bertujuan untuk menggariskan rangka kerja hak asasi manusia berasaskan nilai-nilai Islam dan berfungsi sebagai panduan umum kepada Negara-Negara Anggota Pertubuhan Kerjasama Islam (OIC) dalam bidang hak asasi manusia. CDOHR merangkumi 25 artikel yang menekankan maruah manusia, keadilan, dan kebebasan asasi.

Negara-Negara Anggota OIC menerima pakai deklarasi ini di Kaherah, Mesir, pada 5 Ogos 1990, dan memindanya pada 28 November 2020 agar ianya selaras dengan piawaian hak asasi manusia.

Ciri-Ciri Utama Deklarasi Kaherah

Melindungi hak asasi manusia selaras dengan nilai dan prinsip Islam.

Mengambil kira Piagam PBB, deklarasi utama hak asasi manusia, dan konvensyen antarabangsa.

Perlindungan yang lebih kukuh untuk wanita, kanak-kanak, dan melarang diskriminasi.

Hak Asasi Manusia dalam Islam

OIC mengiktiraf Piagam Madinah, khutbah terakhir Nabi Muhammad SAW, dan tamadun Islam sebagai dokumen asas hak asasi manusia. Antara hak-hak yang termaktub dalam CDOHR ialah:

- Kebebasan Beragama
- Kesamarataan dan Tiada Diskriminasi
- Perlindungan terhadap Keluarga
- Hak-Hak Wanita dan Kanak-Kanak



TAHUKAH ANDA?

Suruhanjaya Bebas Tetap Hak Asasi Manusia (IPHRC) ditubuhkan pada tahun 2005 ialah sebuah agensi utama OIC yang mempromosikan hak asasi manusia di Negara-Negara Anggota, termasuk Malaysia.



SURUHANJAYA HAK ASASI MANUSIA MALAYSIA



ARTIKEL 1: Maruah Insan

Semua insan membentuk sebuah keluarga dan sama rata dari segi maruah, hak dan tanggungjawab tanpa diskriminasi.



ARTIKEL 2: Hak kepada Nyawa

Hak kepada nyawa adalah keperluan asas setiap individu, anugerah daripada Allah SWT dan wajib dilindungi undang-undang.



ARTIKEL 3: Kehormatan Diri

Setiap orang berhak dilindungi nama baik dan maruahnyanya, semasa hidup, dan selepas mati.



ARTIKEL 4: Hak kepada Kebebasan dan Keselamatan Diri

Tiada siapa boleh ditangkap atau ditahan sewenang-wenangnya, diculik atau hilang secara paksa, atau diseksa.



ARTIKEL 5: Perlindungan untuk Keluarga dan Perkahwinan

Lelaki dan perempuan yang mencapai umur perkahwinan berhak untuk berkahwin dan membina keluarga.



ARTIKEL 6: Hak Wanita

Lelaki dan perempuan adalah setara kedudukannya dari segi maruah, hak dan tanggungjawab menurut undang-undang.



ARTIKEL 7: Hak Kanak-Kanak

Setiap kanak-kanak berhak mendapat perlindungan yang sesuai dengan kedudukannya sebagai seorang kanak-kanak bawah umur.



ARTIKEL 8: Pengiktirafan di sisi Undang-Undang

Setiap orang berhak kepada pengiktirafan di mana jua sebagai seorang insan di sisi undang-undang.



ARTIKEL 9: Hak kepada Pendidikan

Menuntut ilmu adalah satu tanggungjawab, dan pendidikan perlu disediakan oleh Negara di setiap masyarakat.



ARTIKEL 10: Hak untuk Penentuan Nasib Sendiri

Setiap orang bebas menentukan status politik serta membangunkan ekonomi, sosial dan budaya mereka.



ARTIKEL 11: Kebebasan Bergerak

Setiap orang berhak untuk bergerak bebas dan memilih tempat bermastautin.



ARTIKEL 12: Hak Migran dan Pelarian

Pelarian dan migran berhak kepada kebebasan asas sejagat yang diiktiraf.



ARTIKEL 13: Hak Kewarganegaraan

Setiap orang berhak mendapat kewarganegaraan, tertakluk kepada undang-undang.



ARTIKEL 14: Hak kepada Pekerjaan

Setiap orang berhak kepada pemilihan pekerjaannya secara bebas, sesuai dengan dirinya, dan bermanfaat kepada masyarakat.

25 ARTIKEL HAK ASASI MANUSIA



ARTIKEL 15: Hak kepada Ekonomi dan Pendapatan

Setiap orang berhak memperoleh pendapatan yang sah tanpa kemudaratan.



ARTIKEL 16: Hak kepada Pemilihan Harta

Setiap orang berhak memiliki harta secara bersendirian atau secara berkongsi dengan orang lain.



ARTIKEL 17: Hak kepada Harta Intelek

Hak untuk menikmati hasil ciptaan saintifik, intelektual, sastera, seni atau teknikal.



ARTIKEL 18: Hak kepada Kesihatan

Hak kepada persekitaran yang selamat dan bersih, dan tahap kesihatan fizikal dan mental yang terbaik.



ARTIKEL 19: Perlindungan Privasi

Hak untuk hidup dalam keadaan selamat, dan perlindungan terhadap agama, tanggungan, maruah dan harta.



ARTIKEL 20: Kebebasan Beragama

Setiap orang berhak kepada kebebasan berfikir, hati nurani dan beragama.



ARTIKEL 21: Kebebasan Berpendapat dan Bersuara

Setiap orang berhak menyatakan pendapat tanpa gangguan.



ARTIKEL 22: Akses kepada Percabaran yang Adil

Semua orang adalah sama rata di sisi undang-undang, tanpa apa-apa pembezaan.



ARTIKEL 23: Hak Penyertaan

Hak untuk mengambil bahagian dalam urusan negara, melalui wakil yang dipilih secara bebas dalam pentadbiran negara.



ARTIKEL 24: Layanan Adil semasa Peperangan dan Konflik Bersenjata

Mengguna pakai undang-undang kemanusiaan antarabangsa untuk melindungi hak individu.



ARTIKEL 25: Perutusan Am

Melaksanakan dan menikmati hak-hak dalam perisytiharan ini, tanpa menjejaskan prinsip-prinsip Islam dan perundangan negara.



Sila imbas kod QR untuk maklumat lanjut tentang CDOHR

